

Broj: 05.1-173-42157-6/25

Datum: 04.06.2025. godine

U skladu sa Pozivom broj: 05.1-173-42157/25 od 07.05.2025. godine, Izmijenjenim Pozivom broj: 05.1-173-42157-3/25 od 20.05.2025. godine, Odgovorima na pitanja Broj: 05.1-173-42157-4/25 od 26.5.2025. godine kao i Obavijesti od 04.06.2025.godine objavljenim na zvaničnoj web stranici Dioničkog društva BH Telecom, jedno od brokerskih Društava postavilo je sljedeća pitanja:

Pitanje 1.

a.) Na koji način BH Telecom provjerava da članice konzorcija posjeduju stvarne tehničke i stručne kapacitete za zajedničku realizaciju ugovora?

Odgovor 1.a.

Provjera tehničkih i stručnih kapaciteta će se vršiti u skladu sa zahtjevima i dokumentima navedenim u Pozivu i odgovorima na upit od 26.05.2025.godine. U slučaju konzorcijskog nastupa svaki član konzorcija mora zadovoljavati opšte uslove iz Poziva, odnosno svaki član konzorcija zasebno treba dostaviti dokaze definisane tačkom I Poziva (opšti uslovi).

a.1) Da li se zahtijevaju dokazi o prethodnoj zajedničkoj saradnji, zajedničkim referencama ili zajedničkim ugovorima?

Odgovor 1.a.1.

U slučaju konzorcijskog nastupa potreban dokaz o zajedničkoj saradnji. Potrebno je dostaviti ugovor o osnovanom konzorciju iz kojeg se vidi nosilac (koji će biti ovlašten za komunikaciju sa BH Telecomom) i članice konzorcija za konkretan posao iz Poziva.

Ukoliko konzorcij po metodologiji definisanoj u Pozivu bude ocijenjen kao ponuđač sa najvećim brojem bodova sa istim će biti zaključen ugovor, uz naznaku vodećeg člana koji će biti primarni kontakt za naručioca.

Svi članovi konzorcija solidarno odgovaraju za realizaciju ugovora.

Naručilac zadržava pravo da u toku evaluacije traži dodatna pojašnjenja u vezi s raspodjelom uloga i odgovornosti između članova konzorcija.

b.) Da li je dozvoljeno da članice konzorcija zbirno prijavljuju elemente bodovanja (npr. reference, broj brokera, police odgovornosti), iako pojedinačno ne ispunjavaju tražene kriterije?

Odgovor b.

Ponuda će se formalno bodovati kao jedinstvena ponuda konzorcija, s tim da će se u postupku ocjene razmatrati i uzeti u obzir kompetencije, reference i relevantna iskustva svih članova konzorcija. Ukupna ocjena će se temeljiti na zbirnim kapacitetima konzorcija, osim za policu od profesionalne odgovornosti koju dostavlja nosilac konzorcija ili jedan od članova konzorcija.

c.) Da li se dozvoljava zbrajanje limita (po štetnom događaju i agregatno godišnje) osiguranja od profesionalne odgovornosti iz više pojedinačnih polica koje pokrivaju članice konzorcija za potrebe ispunjavanja uslova ovog poziva?

Imajući u vidu da se prema pravilima osiguravateljne struke limiti profesionalne odgovornosti ne mogu sabirati za isti štetni događaj osim ako nije izdata jedinstvena polica uz saglasnost svih osiguravatelja i reosiguravatelja, molimo za jasan stav BH Telecoma da li će se zbir pojedinačnih limita po polici priznati kao validan u postupku bodovanja?

Odgovor c.

Policu od profesionalne odgovornosti dostavlja nosilac konzorcija ili jedan od članova konzorcija, te će se ista u skladu sa tim bodovati.

d.) Da li će BH Telecom zahtijevati da konzorcij dostavi zajedničku policu profesionalne odgovornosti kao dokaz integrisanog pravnog subjekta za preuzimanje odgovornosti?

Odgovor d.

BH Telecom d.d Sarajevo neće prihvatati jedinstvenu policu. Za BH Telecom. prihvatljiva je polica koju dostavlja nosilac konzorcija ili jedan od članova konzorcija.

e.) Na koji način se osigurava da ponuđači koji se udružuju ne čine to isključivo formalno, bez realnih kapaciteta za izvršenje ugovora?

Odgovor e.

Pojedinačni ponuđači odnosno konzorciji koji ostvari najveći broj bodova po metodologiji i dokumentaciji definisanom Pozivom i sa kojim BH Telecom zaključi ugovor, u obavezi je ispunjavati sve ugovorom preuzete obaveze. U suprotnom BH Telecom će poduzeti sve pravne radnje radi zaštite svojih interesa.

f.) Da li BH Telecom zahtijeva izričite pismene saglasnosti osiguravatelja i reosiguravatelja u slučajevima kada se pokušava sabirati više pojedinačnih limita profesionalne odgovornosti za isti štetni događaj?

Odgovor f.

Za BH Telecom d.d. Sarajevo police od profesionalne odgovornosti prihvatljive su u skladu sa naprijed navedenim odgovorima pod c) i d).

Pitanje 2.

Zahtjev za izmjenu poziva:

Obzirom na navedene nejasnoće, tražimo da se poziv dopuni preciznim odredbama koje se odnose na:

- Pravnu i operativnu formu dozvoljenog konzorcija;
- Način vrednovanja zbirnih referenci i limita;
- Obaveznost zajedničke police profesionalne odgovornosti u slučaju udruživanja u konzorcij.

Odgovor 2.

Nema potrebe za promjenom Poziva s obzirom na to da odgovori na upite postaju sastavni dio Poziva.

Pitanje 3.

Zahtjev za produženje roka za dostavu ponuda:

Budući da su bitne informacije dostavljene tek nakon objave poziva, a koje nisu bile poznate ponuđačima od početka, zahtijevamo produženje roka za dostavu ponuda za najmanje 30 dana od dana zvanične objave pojašnjenja i eventualne izmjene poziva.

Odgovor 3.

BH Telecom d.d. prolongira rok za dostavu ponuda do 09.06.2025.godine do 14:00h. U slučaju dodatnih pitanja rok za dostavu istih je 05.06.2025. godine do 14h.

BH Telecom u svim postupcima postupa u skladu sa zakonima i principima transparentnosti, jednakog tretmana i nediskriminacije učesnika. U tom smislu, Poziv za izbor brokerskog društva u osiguranju, kriteriji sadržani u Pozivu za dostavljanje ponuda nisu isključivi niti diskriminatorni već ostavljaju prostor svim zainteresiranim i kvalificiranim brokerskim društvima da ravnopravno učestvuju u predmetnom postupku.

Shodno tome, sva brokerska društva koja ispunjavaju uslove iz Poziva, pozivamo da dostave svoju ponudu, zajedno sa traženom dokumentacijom, u skladu sa uslovima i kriterijima navedenim u Pozivu. Bodovanje će se izvršiti prema metodologiji propisanoj u Pozivu.

BH Telecom d.d. Sarajevo zadržava pravo, a kako je u Pozivu i navedeno, zahtijevati dodatne dokaze i vršiti direktnu provjeru navoda putem kontakta sa klijentom, kao i odbaciti ponudu ukoliko se utvrdi netačnost, nepotpunost ili nemogućnost provjere dostavljenih podataka.

Navedeni odgovori postaju sastavni dio Poziva.

BH TELECOM DD